

К ОПУБЛИКОВАНИЮ

КОМИ РЕСПУБЛИКАЛӦН

ОЛАНПАС

Коми Республикаса медицина организациясын торъя медицина да мукӧд уджалысьлы социальнӧя отсалан мераяс йылысь

Примитӧма Коми Республикаса

Каналан Сӧветӧн

2020 вося ӧшым тӧлысь 17 лунӧ

Тайӧ Оланпасыс «Россия Федерацияын гражданалысь дзоньвидзалун видзан подувьяс йылысь» Федеральнӧй оланпаслӧн 72 статьяса 2 юкӧн, «Россия Федерацияса субъектъяслӧн оланпас пыртысь (бӧрйӧм) да олӧмӧ пӧртысь канму власьт органъяс котыртан ӧтувья принципъяс йылысь» Федеральнӧй оланпаслӧн 26³⁻¹ статьяса коймӧд юкӧн серти урчитӧ Коми Республикаса медицина организациясын медицина уджалысьяслы социальнӧя отсалан мераяс да мукӧд уджалысьлы социальнӧя отсалан содтӧд мераяс сетӧм серти инӧда да котыртан подувьяс.

1 статья. Коми Республикаса медицина организациясын медицина уджалысьяслы, кодъяс сетӧны внебольничнӧй пневмония, выль коронавирус инфекция (COVID-19) диагностируйтӧм да бурдӧдӧм серти медицина отсӧг, контактируйтӧны внебольничнӧй пневмония да (либӧ) выль коронавирус инфекция (COVID-19) эрдӧдӧм диагноза пациентъяскӧд, сетӧны содтӧд мынтӧмъясӧн социальнӧя отсалан мераяс Коми Республикаса Вескӧдлан котырӧн урчитӧм пӧрадокын, мындаясын да условияс вылын.

2 статья. Коми Республикаса медицина организациясын медицина

уджалысьяслы, тайö Оланпаслön 1 статьяын индöм медицина уджалысьяс кындзи, кодъяс участвуйтöны внебольничнöй пневмония, выль коронавирус инфекция (COVID-19) диагностируйтöм да бурдöдöм серти медицина отсöг сетöмын (могмöдöны сйöс сетöмсö), контактируйтöны внебольничнöй пневмония да (либö) выль коронавирус инфекция (COVID-19) эрдöдöм диагноза пациентъяскöд, сетöны содтöд мынтöмъясөн социальнöя отсалан содтöд мераяс Коми Республикаса Веськöдлан котырön урчитöм пöрадокын, мындаясын да условиеяс вылын.

3 статья. «Канмусянь социальнöй отсöг сетöм йылысь» Федеральнöй оланпас серти Коми Республикаса Веськöдлан котырön уполномочитöм Коми Республикаса олöмö пöртысь власьт органъяс да налön веськöдлöм улö пырысь организацияяс, кодъяс сетöны тайö Оланпасөн урчитöм социальнöя отсалан мераяс:

1) асланыс юöртан ресурсъясын йöзöдöны сетан социальнöя отсалан мераяс йылысь юөр, медым сэсся сетны сйöс Социальнöя могмöдан öтувъя канму юöртан системаö Россия Федерацияса Веськöдлан котырön урчитöм пöрадокын да тэчасын;

2) збыльмöдöны Социальнöя могмöдан öтувъя канму юöртан системаö сетан социальнöя отсалан мераяс йылысь юөр сетысьяслысь мукöд удж.

4 статья. Тайö Оланпас збыльмöдöмсö сьöмön могмöдöны Коми Республикаса республиканскöй сьöмкудйын лöсялана финансöвöй во вылö урчитöм сьöм тшöt весьтö.

5 статья. Тайö Оланпасыс вынсялö сйöс официальнöя публикуйтöм бöрын дас лун кольöм мысти да паськалö 2020 вося вöльгым тöлысь 1 лунсянь артмöм инöда йитöдъяс вылö.

Коми Республикаса Веськӧдлан котырлы примитны нормативнӧй
инӧда актяс, кутшӧмъяс могмӧдӧны тайӧ Оланпас збыльмӧдӧмсӧ.

Коми Республикаса Юралысь

В.В. Уйба

Сыктывкар

2020 вося ӧшым тӧлысь 24 лун

104-РЗ №